

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

«Содтөд дасьлун режим пыртөм йылысь» Коми Республикаса Юралысьлөн 2020 во рака төлысь 15 лунся 16 №-а Индөдө вежсьөмьяс пыртөм йылысь

Шуа:

1. Пыртны «Содтөд дасьлун режим пыртөм йылысь» Коми Республикаса Юралысьлөн 2020 во рака төлысь 15 лунся 16 №-а Индөдө вежсьөмьяс содтөд серти (водзö – Содтөд).

2. Тайö Индөдыс вынсялö сйöс официальнöя йöзöдан лунсянь, Содтөдлөн 2 пункт кындзи, мый вынсялö тайö Индөдсö официальнöя йöзöдöмсянь дас лун кольöм мысти.

Коми Республикаса Юралысь

В. Уйба

Сыктывкар
2021 вося йирым төлысь 19 лун
121 №

Коми Республикаса Юралысьлөн
2021 во йирым төлысь 19 лунся 121 №-а Индод дорö
СОДТÖД

«Содтöд дасьлун режим пыртöм йылысь» Коми Республикаса Юралысьлөн
2020 во рака төлысь 15 лунся 16 №-а Индöдö пыртöм
ВЕЖСЬÖМЪЯС

«Содтöд дасьлун режим пыртöм йылысь» Коми Республикаса Юралысьлөн 2020 во рака төлысь 15 лунся 16 №-а Индöдын:

1) 19.11, 19.15³ пунктъясö «QR-код петкöдлытöг» кывъяс вежны «QR-код да ПЦР-тест серти бöртас петкöдлытöг» кывъясөн;

2) содтыны татшöм сюрöса 20⁶ пункт:

«20⁶. 65 арöса да арлыдаджык гражданылы, кодъяслөн эмöсь хроническöй висьöмъяс (сьöлöм да вир сөн висьöмъяс, лолалан органъяслөн висьöмъяс, диабет) да кодъяслөн абу COVID-19 выль коронавирус инфекциясы вакцина вöчысьлөн либö 6 төлысьысь унджык сайын COVID-19 выль коронавирус инфекцияөн висьмылысьлөн сертификат, оз позь кольны оланінсö (овланінсö), татшöм случайяс кындзи:

сэк, кор найö мунöны организациясын уджаланінö (уджаланінысь) сэк, кор индöм гражданасö абу вуджöдöма дистанционнöй уджалан режим вылö, найö абу отпускынöсь либö на серти абу оформитöма уджавны вермытöмлун серти лист;

сэк, кор найö шыöдчöны регыдя (эновтны позьтöм) медицина отсöгла да сэк, кор эм олöмлы да дзоньвидзалунлы мукöд веськыд грöз;

сэк, кор найö мунöны сад либö градвыв му участокъяслөн меститчанінъясö (мунöны бөр сэтысь) ас транспортөн, öтув вöдитчан автомашина транспортөн либö таксиөн вöдитчöмөн;

сэк, кор найö мунöны тöвар, уджъяс, услугаяс матысса ньöбанінö, кутшöмъясöс збыльмöдöмсö абу дзескöдöма тайö Индöд серти;

сэк, кор найö гуляйтöдöны гортса пемöсьясöс ылнаын, мый оз вевтырт оланінсянь (овланінсянь) 100 метр;

сэк, кор найö петкöдöны шыбласьяссö шыбласьяс матысса чукöртанінöдз.

Тайö пунктөн урчитöм дзескöдöмъясыс оз паськавны медицина отсöг сетан случайяс, инöд видзысь органъяслөн, войтырöс дорьян да неминучаысь видзан органъяслөн да налөн ведомствоувса организацияслөн, адвокатъяслөн, нотариусьяслөн, ньöбысьяслысь инöдьяс да мортлысь бур олöм дорьян юкöнын дöзьöр нуöдысь органъяслөн, мукöд органлөн удж вылö удж юкöнын, кутшöмöс веськöдöма гражданылысь олöмсö, дзоньвидзалунсö да мукöд инöд да вöля дорйöм вылö, сы лыдын мыж вöчöмлы паныд сувтöм, öтйöза пöрадок, эмбур видзöм да йöзкостын безопасностьсö могмöдöм вылö.».